

Bosna i Hercegovina
Fedearcija Bosne i Hercegovine
Bosansko-podrinjski kanton Goražde
**KANTONALNI ZAVOD ZDRAVSTVENOG OSIGURANJA
G O R A Ž D E
UPRAVNI ODBOR**

Broj:14-1974/18
Goražde, 08.06.2018.godine

Na osnovu člana 27. Statuta Zavoda zdravstvenog osiguranja Bosansko-podrinjskog kantona Goražde ("Službene novine BPK-a, broj: 06/16), direktor Zavoda zdravstvenog osiguranja Bosansko-podrinjskog kantona Goražde, donosi je slijedeće:

U P U T S T V O
o refundaciji troškova lijekova za osigurane osobe koje boluju od malignih bolesti

I. OPĆE ODREDBE

Član 1.

Ovim Uputstvom reguliše se način i postupak refundacije troškova lijekova za osigurane osoba Zavoda zdravstvenog osiguranja Bosansko-podrinjskog kantona Goražde koje boluju od malignih bolesti

II. KORISNICI REFUNDACIJE TROŠKOVA

Član 2.

Korisnici refundacije troškova liječenja osoba sa malignim oboljenjima su osigurane osobe Zavoda koje svoj status dokazuju ovjerenom zdravstvenom legitimacijom.

Osiguranim osobama Zavoda može se odobriti refundacija troškova na osnovu podnesenog zahtjeva i dokumenata iz kojih proizilazi da je osoba oboljela od malignih bolesti i da ima potrebu za troškovima lijekova, a koji se ne izdaju na teret sredstava Federalnog zavoda zdravstvenog osiguranja.

Član 3.

Osigurane osobe koje podnesu zahtjev Zavodu za refundaciju troškova, neophodno je da prilože slijedeću dokumentaciju:

- Pismeni zahtjev,
- Medicinska dokumentacija
- Orginal račun,
- Kopija zdravstvene legitimacije
- Tekući račun banke.

III. VISINA ZA ODOBRAVANJE REFUNDACIJE TROŠKOVA

Član 4.

Osiguranim osobama koje boluju od malignih bolesti odobrava se refundacija troškova u visini do 2.000,00 KM u jednoj kalendarskoj godini, bez obzira na starosnu dob i vrstu malignog oboljenja.

Član 5.

Zahtjevi za refundaciju troškova dostavljaju se lično na protokol ili poštom na adresu Zavoda.

Član 6.

Refundacija troškova vršit će se po redoslijedu primljenih zahtjeva.

IV. NAČIN FINANSIRANJA

Član 7.

Sredstva potrebna za refundaciju troškova osiguranih osoba Zavoda odobravaju se ukoliko su ista predviđena Finansijskim planom Zavoda.

V. PRELAZNE I ZAVRŠNE ODREDBE

Član 8.

Ovo Uputstvo stupa na snagu danom donošenja, a objavit će se na oglasnoj tabli Zavoda i na Web stranici Zavoda.

